

PIVS PAPA QVINTVS

AD FVTVRAM REI MEMORIAM.



INTER ceteras Pastoralis officij nostri cu-
ras, illa nos præcipuè vrget, per quam re-
gularium Congregationum, illarumque
personarum commoditati, & felici dire-
ctioni consulitur, ac monasteria, domos,
ecclesias, & loca tam in spiritualibus, quam temporalibus
prudencia, & vigilantia prælatorum canonicè electo-
rum incrementum suscipere posse arbitramur. Sanè cum
nos nuper per alias nostras in forma breuius litteras iustis
de causis animum nostrum mouentibus dilectum filium
Stephanum tunc congregationis S. Saluatoris, Ordinis S.
Augustini Canonicorum regularium Priorem generalem
in capitulo generali Bononiæ proximè celebrato electum,
ab onere sui Generalatus officij absoluerimus, & libera-
uerimus, ac in ipsius locum dilectum etiam filium Am-
brosum de Lamis Eugubinum ipsius Congregationis Prio-
rem generalem substituerimus, & deputauerimus, prout
in dictis litteris plenius continetur: & arbitantes pro ne-
gotio reformationis Congregationis prædictæ expedire,
quod etiam Visitatores, & procurator generalis eiusdem
congregationis a nobis deputentur. Idcirco dilectos filios mo-
dernos prædictæ Congregationis Visitatores, & Procuratorem genera-
lem in prædicto Capitulo Bononiæ electos ab onere suorum officiorum
etiam absoluimus, & liberamus, & in ipsorum locum, quoad prædi-
cta officia, in Visitatores videlicet, N. N. N. in procuratorem verò
generalem N. dilectos filios, ipsius Congregationis canonicos cum ho-
noribus, oneribus, potestatibus, facultatibus, iurisdictionibus, &
prærogatiuis solitis, & consuetis substituimus, & subrogamus.
Cumque per alias nostras litteras statuierimus, & ordina-
uerimus, quod nullus ex dicta congregatione Canonicus

in Capitulis tam generalibus, quàm conuentualibus pro tempore celebrandis, vocem actiuam, seu passiuam in electionibus faciendis obtineat, nisi sit in sacris ordinibus constitutus, & post per eum legitimè emissam professionem in eadem congregatione, quoad electiones in capitulo generali, per septennium: quo verò ad alias electiones in capitulis conuentualibus faciendâs, per quadriennium laudabiliter vixerit, & quoad vocem actiuam in capitulo actu præsens fuerit, eligendique in priorem generalem duas ex tribus partibus, alij verò suffragiorum maiorem partem obtinuerint: quoddque in capitulo generali Prior, & Procurator ordinis generales, necnon Visitatores, eorumque substituti pro casibus necessitatis dumtaxat, eligantur: & eligendi in priorem, & procuratorem generales, necnon in Visitatores scientia, prudentia, vitæ integritate, ac pietate præditi existant, factaque ipsorum canonica electione iuxta hoc nostrum statutum, & ordinem, ac congregationis præfatæ regularia instituta, Prior generalis sic electus ynâ cum Definitoribus eligat Priores pro monasterijs, in quibus non ad sunt plures, quàm sex Canonici, ac disponat, & ordinet familias solitas, & necessarias pro quolibet monasterio, ita quòd in qualibet familia aliquæ personæ idoneæ, quæ possint eligi in Priores, aut Abbates, sine præpositis iuxta cuiuslibet monasterij titulum, ipsorumque Vicarios, & Discretos mittendos ad capitulum generale, quorum Prælatorum conuentualium, & Vicariorum electiones non amplius in Capitulo generali fiant, sed illi, sicut Discreti, in capitulis conuentualibus cuiuslibet monasterij, cuius Canonici excedunt numero sex Canonicoꝝ, modo infra scripto eligantur, videlicet. Postquam familia omnes in Capitulo generali (vt præmittitur) pro quolibet monasterio dispositæ, & ordinatæ ad locum sibi destinatum statuto tempore peruenerint, antiquior Canonicus in quolibet monasterio existens deputet diem, & horam ad celebrandum Capitulum, & ad sonum campanellæ conuocari faciat omnes Canonicos habentes votum actiuam, & passiuam illisque conuocatis, & residentibus præfatus antiquior

Canoni-

Canonicus aduertat, an sint omnes præſentes, deinde eos interroget, an eis placeat dies, & hora ad futuram electionem, & illis annuentibus, præmiſſa generali confeſſione à capitulo recitanda, eos abſoluat dicens. Miſereatur veſtri &c. Et ſi tenemini aliquo vinculo excommunicacionis &c. Et diſpenſo vobiſcum ſuper irregularitate &c. Poſtea dicatur Hymnus Veni creator Spiritus &c. Kyrie eleiſon &c. Pater noſter &c. Oratio. Deus, qui corda &c. Quibus peractis, in conſpectu omnium cum duobus alijs de capitulo, qui primitus habitum religionis ſuſceperunt, ipſum concomitantibus, ſimulque cum eo reſidentibus ad menſam decenter præparatam cum capſula, ſeu vrna, vbi ſchedulæ ſuffragiorum poni debent, & papyro, & atramento ad ſcribendum proceſſum electionis, accedat. Et quoniam vota, ſeu ſuffragia iuxta, decreta Concilij Tridentini, debent eſſe ſecreta, ita quòd eligentium nomina nunquam publicentur, ſinguli electores ſchedulas accipiant omnino ſimiles, & vnusquiſq; in ſua ſchedula nomen eligendi inſcribat, vel dicat Eligo N. in Priori: & antiquior Canonicus, & alij duo capitulares prædicti, poſtquam ipſi ſchedulas, ordine antiquitatis inter eos ſeruato, in vrnâ, ſeu capſulam demiſerint, aliorum ſchedulas accipiant, & in vrnâ, ſeu capſulam præfatam inferant, & inſpiciant, an ſchedulæ ſint numero pares cum electoribus ibi præſentibus, & ſi inuenerint eſſe in maiori, vel in minori numero, quàm ſint capitulares ibidem præſentes, illas comburant, ruruſque ad ſcrutiniũ modo præmiſſo procedant, donec inuenerint ſcrutinium eſſe canonicè factum, & tunc legant ſchedulas, & ſi electio numero ſuffragiorum ſecuta fuerit, ſchedulæ etiam comburantur, facta que electione, antiquior Canonicus, & alij duo ſcrutatores prædicti publicent electorum nomina, exprimendo numerum ſuffragiorum, quæ quiſque habuerit, quod faciendum eſt, licet aliquis non habuerit vota, vel ſuffragia ad ſufficientiam, vt ad ſecundum ſcrutinium

tinium (sicut præmittitur) deueniri possit: decretum verò electionis ab illo, qui inter scrutatores primus fuerit; licet electo suum suffragium non contulerit, per hæc verba formetur. Ego N. vice præsentium capitularium eligo *F. in Priorem, Vicarium, seu Discretum* nostri monasterij: quod si primus scrutator fuerit electus ad aliquod officium, secundus scrutator ad publicandum scrutinium, & formandum decretum succedat, completaque electione, & decreto (vt præmittitur) formato, scrutatores processum electionis compleant, atque sub scribant, subiungendo; Inuenimus quod N. *in Priorem, seu Vicarium, aut Discretum* naminatus habuit tot suffragia, & ego N. decreta electio num formaui: In quorum fidem manibus nostris subscripsimus, & sigillo monasterij præfati roborauimus, die vt supra: His peractis, antiquior Canonicus dicat sine cantu Psalmum Laudate Dominum omnes gentes, cum versu Saluos fac seruos tuos &c. Et Oratione Præcende Domine famulis tuis &c. deinde dicat Adiutorium nostrum &c. & dicto responso ab omnibus; Qui fecit cælum &c. terminetur capitulum, & scrutinium, seu processum, ac decretum electionis modo præmisso factum transmittatur ad Priorem generalem pro confirmatione obtinenda, qui prior generalis cum voto Visitatorum, quatenus electio fuerit canonice facta, & persona electa nullam patiatur exceptionem, ipsam electionem confirmare, & approbare debeat, alioquin legitima causa subsistente mandet ad aliam electionem (vt præmittitur) deueniri: & idem seruetur, quoties officium prælati conuentualis quouis modo vacare contigerit: & hanc formam & ordinem in singulis electionibus, in reliquis verò omnibus, & singulis casibus constitutiones, statuta, & consuetudines ipsius Congregationis inuiolabiliter obseruari volumus, & mandamus, & aliter factæ electiones nullius sine roboris, vel momenti: & si quis aliàs quam, vt præmittitur, quouis modo, aut quæsito colore se intromiserit, excommunicationis sententiam ipso facto incurrisse censeatur. Et acceperimus, quod nonnulli Priores, Abbates, seu Praepositi conuentuales dictæ Congregationis, illorumque Vicarij in Capitulo

tulo prædicto præter, vel contra dictarum nostrarum literarum formam electi fuerunt, nosq. cupimus huiusmodi formam inuolabiliter obseruari, eosdem Priores, Abbates, seu Præpositos, eorumq. vicarios conuentuales in eodem Capitulo electos, & deputatos ab eorum, & cuiusq. ipsorum officijs similiter absoluiamus, eximimus, & liberamus: volumus tamen quod singuli eiusdem Congregationis conuentus, vbi adsunt plures, quàm sex Canonici, cum primum sibi per Priorem Generalem, & visitatores prædictos iniunctum, & ordinatum fuerit, ad nouam electionem Priorum, Abbatum, vel Præpositorum, nec non Vicariorum in vno quoque monasterio, Abbatia, seu præpositura iuxta prædictam nostram statutum deueniant, & deuenire debeant: quoque interea Abbates, Priores, seu Præpositi, eorumque vicarij conuentuales per nos (vt præmittitur) ab eorum officijs absoluti, donec nouæ electiones, & confirmationes Prælatorum conuentualium huiusmodi fiant, eorum officia, vt prius exerceant, ac si ab eis absoluti non fuissent. Et insuper cõsiderantes, quod prædicta Congregatio pro electione Prioris generalis, Visitatorum, Procuratoris etiam generalis, & alijs huiusmodi peragendis negotijs Capitulum generale singulo quoque anno maxima cum imposita, & non minore Canoniconum incommodo celebrare soleat, ac propterea magna inde euagandi, & sese dissoluendi Canonicis ipsis occasio præbeatur: cumque Prioris ipsius Generalis, Visitatorum, Procuratoris etiam Generalis, necnon Prælatorum Conuentualium, Vicariorumque prædictorum officia annalia tantum sint, id plerumque vsu venire solet, vt Prior ipse generalis, & visitatores vix omnia ipsius congregationis monasteria, & loca, prout eorum officio incumbit, visitare, & operam suam illis pro re nata impendere, Procurator vero generalis similiter officij sui munus agnoscere, negotia, & causas Congregationis pertractandas percipere, vsus Curie Romane apprehendere, atque alia ad officium suum spectantia prouidè, prælati autem conuentuales, eorumque Vicarij, & ministri monasteriorum, & locorum curie, & regimini suo, commissorum statum intelligere, res, & bona agnoscere, consuetudines percipere, negotia obire, vix tam breui temporis spatio possint, quin etiam quædò rerum, & personarum vel Congregationis, aut Monasteriorum, & locorum aliquam vel mediocrem notitiam, & cognitionem habere incipiunt, cum iam tempore exclusi angustia eorum officia dimittere, negotia tam spiritalia, quàm temporalia aut intacta, aut certe inchoata, atq. interrupta nouis successoribus relinquere cogantur. Volentes igitur de super opportuna ad hoc remedium ac vt electiones Prælatorum, & Ministrorum ipsius Congregationis canonice, rite, & recte fiant, quod de cætero eiusdem Congregationis Capitulum generale quolibet triennio

tantam

tāq̃ celebretur, vbi Prior Generalis, Visitatores, & Procurator Generalis eligantur, & cetera eiusdē Cōgregationis negotia iuxta infra scriptū nostrū statutū, & ipsius Cōgregationis regularia instituta p̃trahantur, & disponantur: quodq̃, quolibet anno Prior Generalis, & Visitatores vna cum tribus alijs ex maioribus praelatis conuentualibus ipsius Congregationis eiusdem Prioris Generalis arbitrio eligendis die ad id statuta in aliquo loco commodo ad tractandum negotia Congregationis iuxta eorum exigentiā conueniant, significando prius omnibus, & singulis praelatis conuentualibus diem, & locum, ita vt si aliquis ipsorum haberet aliquid in huiusmodi congregatione proponendum, commode vel ipsemet personaliter ad prædictū locū accedere, vel per nuntium, aut epistolam ea de re Priorem Generalem, & alios prædictos certiores reddere, ipsosq̃ consulere possit: necnon quod Prioris Generalis, Visitorum, & Procuratoris etiam Generalis in posterum triennalia, praelatorum verò conuentualium officia biennalia sint, & esse censeantur ita tamen vt hac vice Prior Generalis, Visitatores, & Procurator etiam Generalis (vt præmittitur) per nos deputati vsque ad Capitulum generale de anno futuro millesimo quingentesimo septuagesimo quarto, dominica tertia post festum resurrectionis Domini nostri IESU Christi in loco opportuno iuxta prædicta regularia instituta celebrandum; Praelati verò conuentuales iuxta præmissum nostrum statutū iam electi, & postmodum eligendi vsque ad nouam electionem, & confirmationem in capitulis conuentualibus de anno M. D. LXXIII. tempore congruo celebrandis faciendas, eorum officijs fungi possint, & valeat, atque omnino fungantur: & sic deinceps perpetuis futuris temporibus Capitulum generale de triennio in triennium celebretur, ac Prior Generalis, Visitores, & Procurator etiam generalis per triennium, Praelati verò conuentuales ipsius Congregationis per biennium eorum officia cum honoribus oneribus, facultatibus, & iurisdictionibus solitis, & consuetis, prout antea, cum annalia erant, exerceant, & exercere possint, ac valeant. Quodq̃, si triennio, vel biennio huiusmodi durantibus Prioris Generalis, Visitorum, Procuratoris etiam generalis, aut Praelatorum, seu Vicariorum conuentualium prefatorum, vel alicuius eorum officia per priuationem dimissionem, vel obitum, aut alio quouis modo vacarent, Praelati conuentuales iuxta superscriptum statutum, prior verò generalis, Visitatores, & Procurator etiam generalis prefati iuxta dictæ Congregationis regularia instituta eligantur, & eligi debeant. Ac vt res, & bona temporalia Cōgregationis prædictæ, ipsiusq̃ monasteriorum, & locorum huiusmodi non solum conseruentur, verum etiam augeantur, quod in vno quoque conuentu tres pro-

bi Canonici per Prælatum conuentuali et eligendi consti-
tuantur, quorum vnus Depositarius, alius Procurator, reli-
quos Oeconomus exstet, ita vt Procurator pecuniarum
monasterij capiat, easque deinceps Depositario tra-
dat, & asseruandas committat. Depositarius verò illas in
ararium, si arcam ad hoc destinatam reponat, & Oeco-
nomo, vbi opus fuerit, de expresse Prælati mandato præ-
beat. Oeconomus autem receptas (vt præfertur) pecunias
pro communibus, & alijs vtilibus, & necessitatibus, &
prout Prælatus iusserit, libere erogat, ac expendat: di-
stincte ue arca duabus clauibus claudenda, quarum altera pe-
nes Prælatum, altera apud Depositarium custodiatur,
arca vero depositaria, & depositarius, locus non exi-
stet, vnde Prælatus tunc in loco statuerit, & quam di-
ligenter seruetur: præfatæque Procurator, Deposita-
rius, & Oconomus vno quoque mense collatis inuicem
rationinjs Prælato, assistant, & quibus alijs monasterij dis-
cretis Canonice eligendis a ipso Prælato, rationem pro
suo quisque officio accuratè reddere teneatur sub poena
illis Prælati arbitrio imponenda, ipsi vero Prælatis priua-
tionis officij sui, si id facere neglexerint, hanc poenam
valitura lege statuimus, & ordinamus, irritum, & inane
decernentes quicquid secus à quoquam quouis modo sciē-
ter, vel ignoranter attentari contigerit. Non obstantibus
constitutionibus, & ordinationibus apostolicis, ac dictæ
Congregationis iuramento, confirmatione apostolica, vel
quauis firmitate alia roboratis, statutis, & consuetudini-
bus, priuilegijs quoque, indultis, & literis apostolicis ei-
dem Congregationi, illiusque superioribus, & personis in
contrarium quomodolibet concessis, innouatis, & appro-
batis, & singulis, illorum tenores, etiam
si de iure specialis specifica, ac de verbo ad verbū mētio ha-
beret, esset, præsentibus pro expressis habentes, illis
aliàs in. . . permansuri, hac vice dumtaxat spe-
cialiter, & expresse derogamus, cæterisque contra-

rijs

rijs quibuscunque. Datum Romæ apud sanctum Pe-
trum, sub annulo Piscatoris die vi. Decemb. 1611.
M. D. LXXI. Pontificatus Nostri Anno Sexto.

Crysem. P. N. P. S.

